



Ina specialista dalla tgira

Sentupada cun sora Amalia Caplazi

DAD AUGUSTIN BEELI / ANR

■ **Sora Amalia Caplazi ei dapi 64 onns commembra dallas soras da Glion. Durant decennis eis ella s'engaschada per la scolaziun dallas tgirunzas.** «Igl ei stau in si ed in giu», resumescha la dunna che cumplenescha en in meins 85 onns. Sora *Amalia Caplazi* ei ina persuna da statura pli-

tost pintga e da preschientscha mudesta. En siu vestgiu da dominicana sedistingua ella nuotzun da sias consoras. Ell'ei ina da 100 dunnas che vivan ella claustra da Glion. Las soras a Glion han surviu, accumpignau, assistiu, sco tgirunzas, scolastas, mussadras e hospitontas, en scolas, instituts, scolettas, casas da vegls e spitals. La giuvna da Surrein haveva 24

onns ch'ella ha empermess d'unfrir sia veta all'ovra sociala. «Il spért aviert da Glion ha attratg mei», raquenta sora Amalia ella retrospectiva. Resolut e cun saun giudezi ha sora Amalia menau la scola da 1970 tochen 1981. Il settember vargau ha ella festivau il profess da diamant.



Ei seigi stau in si ed in giu, di sora Amalia Caplazi. Ell'ei s'engaschada sia veta per la tgira da malsaus. FOTO A. BEELI